



CONVENIO ENTRE O INSTITUTO ENERXÉTICO DE GALICIA (INEGA) E O CONSORCIO TURISMO RIBEIRA SACRA PARA A ELABORACIÓN DE PROXECTO FLUVIAL-ELÉCTRICO NA RIBEIRA SACRA PARA CONCORRER AO Programa MOVES Proyectos Singulares II e A ADQUISICIÓN DUN VEHÍCULO HÍBRIDO ENCHUFABLE.

MEMORIA XUSTIFICATIVA

O Director do Departamento de Enerxía da Axencia Instituto Enerxético de Galicia (Inega)

DECLARA: Que esta entidade de dereito público ten previsto formalizar co Consorcio Turismo Ribeira Sacra, o instrumento convencional arriba referido por un período de vixencia que abrangue dende o día seguinte a súa sinatura ata o 30 de decembro de 2021.

Que o instrumento convencional ten por obxecto regular as condicións da colaboración conxunta entre o Inega e o Consorcio Turismo Ribeira Sacra, encamiñadas a desenvolver a estratexia para a transformación ou substitución das embarcacións existentes na Ribeira Sacra o seu paso a motores eléctricos, o planeamento das actuacións necesarias para a creación da infraestruturas que precisa este tipo de embarcacións e a adquisición dun vehículo híbrido enchufable.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar se fundamente no seguinte:

O Instituto Enerxético de Galicia (Inega), é unha axencia pública autonómica que ten entre os seus obxectivos fundamentais o fomento, impulso e realización de iniciativas e programas de actuación para a investigación, estudo e apoio de actuacións de coñecemento, desenvolvemento e aplicación de tecnoloxías enerxéticas, a mellora do aforro enerxético e o fomento do uso racional da enerxía.

Que para o exercicio axeitado das súas funcións, a axencia Instituto Enerxético de Galicia poderá cooperar con outras administracións públicas, no ámbito das súas respectivas competencias e funcións, e con entes do sector privado a través de convenios (art. 9.1 dos seus estatutos, aprobados polo Decreto 142/2016, do 22 de setembro).

Que o Inega desenvolve políticas encamiñadas acadar obxectivos que permitan unha redución no consumo de materias derivadas do petróleo. No contexto actual enerxético mundial, os países máis industrializados están a buscar patróns de produción e consumo da enerxía que prime o aforro e a eficiencia enerxética, compatible coa sustentabilidade do planeta; e co obxectivo de frear o cambio climático.

Que Consorcio Turismo Ribeira Sacra é un ente público local de bases asociativa ca condición de entidade local non territorial, con personalidade xurídica propia e plena capacidade xurídica e de obrar, declarada de interese galego. A Fundación ten entre os seus fins:

- Realizar os estudos necesarios para o correcto desenvolvemento dun turismo respectuoso co contorno económico, cultural e natural da Ribeira Sacra,





propoñendo cantas normativas de uso e xestión do patrimonio natural e cultural sexan convenientes e que apoiem as dinámicas de desenvolvemento baseadas na sustentabilidade do territorio.

- Obras, xestión e execución de plans, programas ou proxectos de interese público e común para as entidades consorciadas, así como a obtención, xestión e investimento dos correspondentes fondos, en materia de políticas de desenvolvemento rexional, social, agrícola, ambiental, no marco de iniciativas europeas, nacionais, autonómicas ou locais, e doutros entes, institucións ou entidades, públicas ou privadas.

O Inega colaborará co Consorcio Turismo Ribeira Sacra no financiamento do desenvolvemento do obxecto do presente Convenio, cunha achega de corenta e un mil seiscientos dezaseis euros (41.616,00 €) I.V.E. engadido, equivalente ao 100 % do custe subvencionable, con cargo a aplicación orzamentaria 06.A3.733A.760.4 do seu orzamento de gastos para o ano 2021, segundo o cadro seguinte:

INVESTIMENTOS SUBVENCIONABLES			
OBXECTO	BASE IMPOÑIBLE	IVE	TOTAL
ELABORACIÓN PROXECTO FLUVIAL-ELÉCTRICO NA RIBEIRA SACRA PARA CONCORRER AO Programa MOVES Proyectos Singulares II	9.600,00 €	2.016,00 €	11.616,00 €
ADQUISICIÓN DUN VEHÍCULO HÍBRIDO ENCHUFABLE	24.793,38 €	5.206,62	30.000,00 €
TOTAL	34.393,38 €	7.222,62 €	41.616,00 €

No texto do convenioponse de manifesto que se van realizar actividades de interese público, social e económico, co fin de acadar o obxectivo dunha mobilidade mais eficiente e sustentable.

En atención ao exposto, e a fin de cumprimentar o preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Santiago de Compostela, na data da sinatura dixital

O Director do Departamento de Enerxía,
Juan I. Rodríguez Fernández-Arroyo

